



XIV CONCURSO INTERNACIONAL DE XÓVENES PREPARADORES

Un bo preparador é aquel que coñece á perfección a morfoloxía dos seus animais e despois dunha correcta doma, preparación e pelado, é capaz de facer resaltar as virtudes do exemplar que presenta, minimizando ao mesmo tempo os posibles defectos que poida ter.

O concurso de Xóvenes Preparadores consiste en que os xóvenes participantes demostren a súa habilidade na preparación de animais para a súa presentación en pistas de concurso e exposicións, aproveitando ao máximo as cualidades e posibilidades que ofrece cada animal.

Os fins perseguidos con este concurso son:

- * Animar aos xóvenes a interesarse e participar, dende idades temperás, nas tarefas de selección e mellora das súas explotacións.
- * Colaborar na profesionalización e autoestima dun sector que tradicionalmente foi menospreciado na nosa sociedade.
- * Asegurar a continuidade dos concursos, exposicións e subastas no futuro como medio imprescindible para a promoción, rendabilidade e continuidade das explotacións gandeiras.

BASES DO CONCURSO

CONDICIÓNS XERAIS

- 1.- O concurso Internacional de Xóvenes Preparadores celebrárase o **Venres 3 de Marzo ás 11.00 horas** no Recinto Feira Internacional de Galicia ABANCA.
- 2.- Nel poderán participar xóvenes de calquer nacionalidade, que o soliciten en prazo e forma e a súa idade non supere os 30 anos, inclusive.



3.- Tomarase como data de referencia para determinar a idade dos concursantes o 31 de xaneiro de 2023.

4.- Para os participantes menores de idade, é imprescindible presentar a correspondente autorización, publicada na web www.xovenesgandeiros.com.

5.- Por necesidades de espazo e organizativas, **o prazo de inscrición rematará o día 14 de Febreiro de 2023**, non tendo dereito a participar aqueles xóvenes que se inscriban con posterioridade a esta data.

CONDICIÓN DE PARTICIPACIÓN

6.- Os concursantes participarán obrigatoriamente, con animais inscritos nas seccións de becerras ou xovencas do Concurso Autonómico e/ou Internacional.

7.- Será responsabilidade de cada participante o inscribir ao Concurso de Frisón (ou pedir a outro gandeiro concursante), a xata /xovenca coa que vai participar, non obstante e para os participantes de outros países, será a organización quen lla proporcione.

8.- Sendo o obxectivo do concurso, o formar e estimular aos xóvenes nas tarefas de doma, manexo e presentación de gando, cada participante estará obrigado a preparar (sen axuda externa) o animal co que vaia concursar.

9.- Para o pelado **ÍNTEGRO** dos animais, cada participante disporá de 2 horas, non obstante, aos participantes de 15 anos e menores, permitiráselles empezar 30 minutos antes.

10.- Cada concursante terá que ir provisto de todo o equipo necesario para o pelado, preparación e presentación do animal (máquinas, coitelas, cepillos, sprais, cabezada de pista, etc,..). Todo o material será por conta do participante.



ABANCA



11.- 15 minutos antes da hora de inicio establecida, os concursantes, - equipados con todo o seu equipo e material,- deberán de presentarse na zona de concurso, onde lles será adxudicada a súa praza, tras o cual e dentro da zona asignada, poderán preparar e dispoñer todo o seu equipo (enchufes, extensibles, máquinas, secador, etc,...) e igualmente, amarrar a xata /novilla coa que van concursar.

12.- O animal co que se participe, debe estar limpo, domado e que non se lle teña pelado ningunha rexión do corpo no último mes. O incumprimento desta norma será causa de descalificación.

13.- Durante o tempo que dura o concurso, cada participante deberá de manter debidamente atado e baixo control o animal co que participa, a fin de non interromper, molestar ou distraer a outros concursantes. Igualmente e en todo momento os concursantes deberán de manter unha actitude de respeto e colaboración cos seus compañeiros.

14.- Unha vez expirado o prazo concedido para o pelado e preparación (2,00 o 2:30 Horas segundo idade) tódolos concursantes deberán parar, deixar o animal nas condicións que se encontre e recoller o seu material.

15.- Na mesma praza que se preparou o animal e antes de saír a pista, os Sres Xuíces comentarán e valorarán co participante o traballo realizado, dándolle en privado, as explicacións, indicacións e consellos prácticos que en cada caso, proceda.

16.- Unha vez recibidas as explicacións na zona de pelado, os concursantes disporán de 15 minutos para cambiar as roupas de traballo polo uniforme de concurso (camisa branca e pantalón azul) e presentarse co seu animal á entrada de pista.

XULGAMENTO

17.- O xulgamento deste Concurso correrá a cargo dun Comité formado por **D. Brian Carscadden da Asociación Holstein de Canadá.**

Serán misións deste Comité:



ABANCA



18.- Revisar previo comezo da competición que todos os animais non teñan ningunha parte do seu corpo pelada e descalificar, se procede, a aqueles que incumplan dita norma.

19.- Avaliar o traballo individual que cada concursante realizara na preparación e pelado do seu animal, cumprimentando a seguinte táboa de valoracións:

VALOR	PARTES A PUNTUAR
5 max.	CABEZA- PESCOZO
10 max.	LÍNEA DORSO-LUMBAR
10 max.	BARRIGA
7 max.	COSTELAR / CORPO
5 max.	PATAS
10 max.	VALORACIÓN XERAL DO CONXUNTO
	APARENCIA XERAL
	REMATE FINAL
10 max.	VALORACIÓN DO PRESENTADOR
10 max.	ACTITUDE DO PRESENTADOR

20.- Unha vez en pista, colocar aos participantes e conceder a puntuación e premios, dacordo coas habilidades demostradas.

21.- A avaliación e puntuación do traballo realizado por cada concursante realizarase na propia área de pelado, tralo cal e cos animais en pista, o Sr. Xuíz dará as súas explicacións en público e procederá a colocar a todos e cada un dos participantes no posto que polos seus méritos lle corresponda (punto 20).

22.- Expoñer ante público e concursantes as razóns e motivos polos que procederon á concesión dos premios e colocación dos concursantes.

23.- As decisións do Comité serán inapelables, polo tanto, a participación implica acatalas e aceptalas con deportividade.

SECCIÓNS E PREMIOS

24.- Xulgarase a tódolos participantes dentro dunha única sección e con un mesmo baremo, non obstante os Sres. Xuíces poderán facer as



ABANCA



observacións, salvedades e comentarios que procedan, naqueles casos que pola xuventude do concursante consideren oportuno.

25.- A entrada en pista será por rigurosa orde de idade de menor a maior.

26.- A suma de puntos na avaliación realizada polo Comité establecerá a clasificación final do Concurso.

27.- Os dous primeiros clasificados das seccións competirán polos seguintes premios:

Campión: escarapela, trofeo e 200€

Subcampión: escarapela e 150€.

Mención de Honra: escarapela e 100€

Do 4º ó 6º clasificado: escarapela e 50€.

28.- Como contribución especial a este certame, o Clube de Xóvenes Gandeiros de Galicia, obsequiará con un trofeo ós Xóvenes Campión e Subcampión Internacional de Preparadores 2023.

PROTECCIÓN DE DATOS

28.- Normativa: Regulamento (UE) 2016/679 RGPD e LOPDGDD 3/2018.

29.- Responsable do tratamento:

CLUBE XOVENES GANDEIROS DE GALICIA

CIF: G70149331

Enderezo: Rúa Melide, 25-27 Bajo, 15705 Santiago De Compostela (A Coruña) España

Teléfono: 981573879

Correo electrónico: clubexovenes@fefriga.com

30.- Finalidade e lexitimación do tratamento:

a) Xestión dos seus datos e/ou os do menor que nos facilite para xestionar a súa inscrición e participación no concurso e a entrega de premios do mesmo. Podemos tratar os seus datos porque existe unha relación contractual, de conformidade co Real Decreto de 24 de xullo de 1889 polo que se publica o Código Civil e demais lexislación aplicable.



b) Realizar actividades de promoción.

c) No caso de que nos teña dado o seu consentimento trataremos os seus datos e/ou as do menor a seu cargo (imaxe) para a realización de publicacións en redes sociais, páxinas web, memorias e/ou outros medios de comunicación respecto ós eventos organizados pola entidade nos que participe, coa finalidade de estimular ós xóvenes en tarefas de coidado do gando, de promocionar as ganderías e dar a coñecer as actividades organizadas pola entidade.

d) No caso de que nos teña dado o seu consentimento trataremos os seus datos para enviarlle información actualizada sobre novas actividades, promocións e/ou servizos ofertados que organice a entidade que poidan ser do seu interese.

31.- Conservación dos datos:

Os seus datos conservaranse mentras se realice a actividade e durante o prazo de prescripción das accións legais que se poidan derivar acorde á normativa indicada.

Para as actividades de promoción os seus datos conservaranse mentras non retire o seu consentimento.

32.- Destinatarios de datos:

a) No caso de que nos teña outorgado o seu consentimento os seus datos (imaxe) e/ou as do menor ó seu cargo serán cedidos ó público en xeral mediante a publicación en redes sociais, páxina web corporativa, memorias anuais u outros medios de comunicación, coa finalidade de promocionar e dar a coñecer as actividades e eventos organizados pola entidade.

b) Os seus datos poderanse comunicar ós nosos encargados de tratamento cando sexa necesario para a correcta prestación dos servizos contratados.

33.- Transferencias internacionais de datos:



A publicación de imaxes en redes sociais pode implicar unha transferencia de datos a terceiros países acorde os seus propios términos e condicións.

34.- Dereitos do interesado:

- Acceso: dereito a obter confirmación sobre se estamos tratando datos persoais seus ou non, a saber, cales son, para que se usan, cómo tempo se van gardar, a orixe dos mesmos e se se comunicaron ou se van comunicar a un terceiro.
- Rectificación: dereito a solicitar a rectificación dos datos inexactos e a que se completen os datos persoais incompletos.
- Supresión: dereito a solicitar a supresión dos datos de carácter persoal cando sexan inadecuados, excesivos ou xa non sexan necesarios para os fins para os que foron recollidos, incluído o dereito ó olvido.
- Oposición: dereito a opoñerse, en determinadas circunstancias, a que se realice o tratamento dos seus datos persoais ou a solicitar que se cesen no tratamento.
- Limitación do Tratamento: dereito a solicitar, nas circunstancias establecidas legalmente, que non se traten os seus datos máis alá da mera conservación dos mesmos.
- Portabilidade: dereito a recibir os datos de carácter persoal nun formato estruturado, de uso común e lectura mecánica, e poder transmitilos a outro responsable, sempre que sexa técnicaamente posible.

35.- Exercicio dos dereitos:

O exercicio de dereitos deberá efectuarse por escrito dirixíndose a Rúa Melide, 25-27 Bajo, 15705, Santiago De Compostela (A Coruña) ou a través do correo electrónico clubexovenes@fefriga.com. Así mesmo, poñemos a súa disposición modelos para os seu exercicio, que poden obterse no enderezo postal ou a través do correo electrónico indicado anteriormente. Para máis información: www.agpd.es

36.- Dereito de reclamación ante a Autoridade de Control:



ABANCA



No caso de que no se teñan respetado os seus dereitos pode presentar unha reclamación dirixíndose por escrito á Axencia Española de Protección de Datos sita na rúa Jorge Juan, 6-28001-Madrid ou utilizar a sede electrónica: <https://sedeagpd.gob.es>. En ambos casos, deberá achegar a documentación pertinente.

DISPOSICIÓN FINAIS

37.- A participación supón a aceptación de tódalas normas contidas no presente reglamento.

38.- A comisión organizadora decidirá sobre todas aquelas cuestións que se puidesen suscitar na interpretación do regulamento, ou que non estivesen recollidas no mesmo.